

新刊經進詳註昌黎先生文集

新刊 經進詳補註昌黎先生文卷第三十一

碑誌

南海神廟碑

此碑石刻其首云使持節袁州諸軍事守
袁州刺史韓愈撰使節袁州諸軍事守循
州刺史陳諫書并篆額其後云元和十五
年十月一日建歐陽公云昌黎集類多訛
舛惟南海碑不舛者以石刻人家多有故
也石刻與刊本異者今注于下蘇內翰嘗
移書楊廉公使遷廟文登因古廟而新之

揚不從故蘇詩云退之仙人也游戲於斯
文笑談出奇偉鼓舞南海神。神或云作
東

海於天地間為物最鉅自三代聖王莫不祀事考
於傳記而南海神次最貴在北東西三神河伯之
上號為祝融

太公金匱云南海之神曰祝融東海之神曰勾芒
北海之神曰顓頊西海之神曰蓐收。
今按東海神名阿明南海神名巨乘北海
神名禺強亦見養生雜書然公言南海神次最貴則
是據太
公書矣

恍惚萬里如室一云以八月庚子浴於河而弱
死祝辭者高辛氏之火正死而為南方海岳之
神已見衡嶽廟及陸渾山火詩辨證云按山海
經南方祝融獸身人面乘而龍火神也既為火
神居南方則為南海神何疑或云正為祝融非
海神也然退之所書考於傳記豈可以臆說斷
其非天寶中天子以為于偽古爵莫貴於公侯
故海岳之祀犧幣之數倣而依之所以致崇極
於大神今王亦爵也而禮海岳尚循公侯之事
巫王儀而不用非致崇極之意也由是冊尊南
海神為廣利王祝號祭式與次俱外通典曰自隋至唐海
岳舊皆封公天寶十載正月封東海為廣德王
南海為廣利王西海為廣潤王北海為廣澤王
分命海監詣取三月十七日一時備禮兼冊祭
其祭一皆用太牢祠官以當界都督刺史儀

具還

因其故廟易而新之在今廣州治之東南

海道八十里扶胥之口黃木之灣

扶胥黃木灣皆海口名九城

志南海郡有扶胥鎮屬番禺縣灣水曲也音烏

閔切東坡浴日亭詩云劍氣崢嶸夜掉天端光

明滅到黃鸞注常在南海廟前常以立夏氣至命廣州刺史行

事祠下事訖驛聞而刺史常節度五嶺諸軍仍

觀察其郡邑

嶺南五府經略使皆統屬於廣州見送鄭權序

無所不統地大以遠故常選用重人既貴而富

且不習海事又當祀

一作常祝

時海常多大風將往

皆憂戚既進觀顧怖悸故常以疾為辭

一作解

而

委事於其副其來已久故明宮殿廬上雨旁風

無所蓋障牲酒瘠酸取其臨時水陸之品狼籍

邊豆薦裸興俯不中

丁仲

儀式吏滋不恭神不

顧享盲風恠雨發作無節人蒙其害

北史悅般國有術人

能作盲風霖雨

元和十二年始詔用前尚書右丞國子

祭酒魯國孔公

諱致集有墓銘

為廣州刺史兼御史大

夫以殿南服

丁殿鎮也音練切

公正直方嚴中心樂易

祗慎所職治人以明事神以誠內外單盡不為

表裸

言不為矯飾也暴輔顛也音伯各切唐風揚之水詩曰素衣朱襮

至州之

明年將夏祝冊自京師至吏以時告公乃齋戒

視冊誓群有司曰冊有皇帝名乃上著署石乃

上以具一作且石其文曰嗣天子某謹遣某官

某敬祭其恭且嚴如是敢有不承明日吾將宿

廟下以供晨事通典曰舊制岳瀆已上祝板皆

乙敬祭于某岳瀆之神自後因循不請敬署身

元四年太常董晉奏欲至饗祭日所司準程先

取署附驛發遣和旨宜依仍委明日吏以風雨

所司每年至時先奏附中使送牲

白不聽於是州府文武吏士凡百數交謁更詰

切諫皆揖而退公遂陞舟風雨少弛擢夫奏功

羅音女教雲陰解駁日光穿漏波伏不興省牲

之夕載暘載陰將事之夜天地開除月星明概

居致切音五鼓既作牽牛正中春秋元命苞曰

牽牛星流為楊

立為揚山國公乃盛服執笏以入即事文武賓

屬俯首聽位冬執其職牲肥酒香樽爵淨潔登

降有數神主石本醉飽海之百靈秘恠恍惚畢

出采之庭揭磐石柵百靈蛇蛇蛇蛇來慕一作

享飲食子蛇蛇蛇蛇蛇蛇蛇蛇蛇蛇蛇蛇蛇蛇

蠃歐陽公集古錄曰南海神廟碑韓愈撰陳諫

亦賴石正監廟旋艦祥飈送馬音旋回也艦尾也

同旗纛旌麾飛揚曉謫烏威切謫於蓋切楚

曉六雲霓旌也銑鼓朝轟高管噉噪銑鉦也音

與叫武夫奮棹工師唱和吳都賦曰篙工楫師

同

以刺舟而行謂所長皆使共駕行舟者善穹龜長魚踊躍

後先謂所長皆使共駕行舟者乾端坤倪軒

豁呈露祀之之歲風災熄滅人厭魚蟹厭於豐切

五穀胥熟明年祀歸又廣廟宮而大之治其庭

壇改作東西兩序爾雅曰東西齋庖之房百用

具修明年其時公又固往不懈益虔歲仍大和

莖艾歌詠始公之至盡除他名之稅罷衣食於

官之可去者四方之使不以資交以身為帥燕

享有時賞與有石本節公藏私蓄上下與足於

是免屬州負逋之緡錢十有八萬漢武紀緡系

賈千錢糶米八萬二千斛賦金之州耗金一歲

八百困不能償皆以正一作之加四面石本亦西南

守長之俸誅其尤無良不聽令者由是皆自重

慎法人士之落南不能歸者與流徙之胄百二

十八族用其才良而廩其無告者其女子可嫁

者與之錢財令無失時刑德並流方地數千里

不識盜賊山行海宿不擇處所事神治人石本有其

字可謂備至矣咸願刻廟石以著厥美而繫以

詩乃作詩曰

南海之墟祝融之宅即祀于旁帝命南伯南邦之族

伯也小雅崧高詩曰王命申伯式是南邦吏情不恭正自今公明用

享錫祐我家邦言正其事躬祭祠下自公而始明神用是敬享其誠而錫以福

也惟明天子惟謹厥使我公在官神人致喜海

嶺之陬既足既濡胡不均引俾執事樞公行勿

遲言天子何不召還為宰相俾執事樞而均被其德於天下乎公當行歸勿遲也此詩叙天

下之人望公如此公無遽歸匪我私公神人具依此海

人留公如此

處州孔子廟碑

石本云處州孔子廟碑記朝敬大夫國子祭酒賜紫金魚袋韓愈撰無立碑年

月日按公以元和十五年九月二十二日自素州召為祭酒明年七月遷兵部

侍郎此誌其十五年九月後明年七月
前所作魏杜牧之嘗書其碑陰曰
自古稱夫子之德莫如孟子稱夫子之
尊莫如韓吏部代宗初歸崇敬奏言春
秋釋奠孔子祝板皇帝署北面揖太重
宜准武王受丹書於師尚父行東面之
禮事即施行史臣謂時無韓愈之賢無
有抑其非是者而道州刺史薛伯高又
建言不當從祀十哲伯高之論抑宗元
志之於書必有辨其妄者歸所云未嘗
見於紀志而傳曰施行何也既施行歷
朝不改矣公紀此廟於元和末何以去
北面耶歐文忠公之論則以夫子之尊
不待春秋享祀夫歸薛二子之言之失
史氏嘗辯之矣而文忠則學公者也夷
考其平昔蓋未嘗有然毫之貶至此獨
不謂然雖未嘗著其名氏然公之論實
如此蓋舍是其何以傳吾夫子哉信哉
牧之之言曰稱夫子
之德莫如孟韓也

自天子至郡邑守長通得祀而徧天下者惟社

稷與孔子焉

禮記祭法第二十三曰王為群姓立社曰大社自為立社曰王社諸

侯為群姓立社曰國社自為立社曰侯社大夫以下成群立社曰置社大音泰

然而社

祭土稷祭穀勾龍與棄乃其佐享非其專主又

其位所不屋而壇

共工氏霸有九州其子曰后土能平水土故祀以為社列

山氏之有天下其子曰柱能殖百穀故祀為稷後皆因之殷湯為旱遷柱而以周弃代之欲遷

勾龍無可繼者故止按周禮疏曰五土之神曰社五穀之神曰稷五土謂若地官司司徒職山林

川澤丘陵墳衍原隰等各有所謂五土雖生賴之故特於土生生物處別立其名為社五土雖各有主

而山林川澤丘陵墳衍此四者雜出材物於五穀之功則少且生人所急者食故於五土之

別旌異原隰之祇以報之曰稷自天子至諸侯大夫社立名雖異其神則同皆以勾龍配社周

奔配稷社壇在東稷壇在西俱北向壇祭雷開
四而門不屋而壇者以受霜露風雨以達天地
之氣故土國之社豈如孔子用王者事一作禮魏

然當坐以明人為配自天子而下北面拜跪薦

祭進退誠敬禮如親弟子者唐志正觀二年撰

子奢建言周公臣父俱聖人然釋奠於學以夫

子也大業以前皆孔丘為先顏回為先師乃

罷周公外孔子為先聖以顏回配詔州縣學皆

作孔子廟尊為宣父太宗親釋奠於國學二十

一年詔左丘明卜子夏公羊高穀梁赤伏勝高

堂生戴聖毛萇孔安國劉向鄭眾賈逵杜子春

馬融盧植鄭康成服虔何休王肅王弼杜預范

甯二十二二人皆以配享元宗開元二十八年司
業李元瓘奏詔十哲為坐像圖七十子及二十
二賢於朝壁明年又詔夫子既稱先聖可謚曰
文宣王內出袞冕服以衣之遣三公持節冊命
先時孔廟以周公南面而夫子坐西墉下正觀

中廢周公祭而夫子位未改至是二京國子監

天下州縣始皆南面以顏淵配贈諸弟子爵公

侯顏充公子騫費侯伯牛鄆侯仲弓薛侯子有

徐侯子路衛侯宰我齊侯子貢黎侯子游吳侯

子夏魏侯又贈曾參勾龍弃以功德孔子以德固

自有次第哉自古多有以功德績一作得其位者

不得常祀勾龍弃孔子皆不得位而得常祀然

其祀事皆無如孔子之盛所謂生民以來未有

如夫子者其賢過於堯舜遠者孟子載宰我之言此其

効歟郡邑皆有孔子廟或不能修事雖設博士

弟子或役於有司名存實亡失其所業獨處州

刺史荆侯李繁至官能以爲先既新作

率相沙

孔子廟又命工改爲顏回至子夏十人像其餘

七十二子及後大儒公羊高左丘明孟軻荀況

伏生毛公韓生董生高堂生楊雄鄭玄等數十

人皆圖之壁

遵開元之制故也伏生伏勝也治尚書毛公毛萇也韓生韓嬰也治

詩董生仲舒也治春秋高堂生姓高堂史佚其名治禮皆見漢書

選博士弟子

必皆其人設講堂教之行禮肄習其中又爲置

本錢廩米令可繼處以守廟成躬率吏及博士

弟子入學行釋奠禮

禮記曰凡欲立學必先釋奠于先聖先師耆老

嘆嗟其子弟皆興去聲於學鄴侯尚文其於古記

無不貫達故其爲政知所先後可歌也已乃作

詩曰

惟此廟學鄴侯所作厥初庠下神不以宇先師
所處亦寔寒暑乃新斯宮神降其猷講讀有常
不誠用勸揭揭元哲有師之尊群聖嚴嚴大法
以存像圖孔肖咸在斯堂以瞻以儀俾不或忘
一作俾後之君子無廢成美琢詞碑石以贊攸
文不志始

柳州羅池廟碑

石本其首云尚書吏部侍郎賜紫金魚
袋韓愈撰中書舍人史館修撰賜紫金
魚袋沈傳師書其後云朝議柱管觀察
文使試太常寺協律郎上柱國陳曾篆

額長慶元年正月十一日桂管都防禦
先鋒兵馬使朝散大夫左衛長史孫季
雄建立

羅池廟者故刺史柳侯廟也柳侯為州不鄙夷

其民動以禮法三年民各自矜奮曰石本無茲

土雖遠京師通典曰柳州去京師
五千四百七十里吾等亦天氓

今天幸惠仁侯若不化服我則非人於是老少

相教語莫違侯令凡有所為於其鄉閭及於其

家皆曰吾侯聞之得無不可於意否莫不忖度

而後從事凡令之期民勸趨之無有後先必以

其時於是民業有經公無負租流逋四歸樂生

興事宅有新屋步有新舡青箱雜記曰或以步為步誤也蓋嶺南謂

水津為步言步之所及故有冒步即漁者施罾更舡步即衆人渡舡更然今亦謂之步故揚

州有八步洪州有觀步閨中謂水涯為溪步公作孔殘墓誌云泊步有下發之稅李昉述異記

云水際曰步或云吳人訛浦為步池園索修豬羊石本作牛鴨雞肥

大蕃息子嚴父詔婦順夫拍嫁娶葬送各有條

法出相弟長入相慈孝先時民貧以男女相質

以不得贖盡沒為隸我俟之至案國之經石本無經

字或以傭除本悉奪歸之大修孔子廟柳集有廟碑文

城郭道巷皆治使端正樹以名木柳民既皆悅

喜嘗與其部將魏忠謝寧歐陽翼飲酒驛亭謂

曰吾棄於時而寄於此與若等好也明年吾將

死死而為神後三年為廟祀我及期而死三年

孟秋子厚以元和十四年十月五日卒曰三年孟秋則長慶二年明年春則三年也辛

卯侯降于州之後堂歐陽翼等見而拜之其夕

夢翼而告曰館我於羅池其月一作日景辰廟成

大祭過客李儀醉酒慢侮堂上得疾扶出廟門

即死明年春魏忠歐陽翼使謝寧來京師請書

其事于石余謂柳侯生能澤其民死能驚動禍

福之以食其土可謂靈也已作迎享送神詩若

平九歌遺柳民俾歌以祀焉而并刻之舊史云南人妄

以柳宗元為神而愈撰廟碑以實之以謾以文
章之謬至本朝元祐七年六月癸丑朔詔賜柳
州刺史羅池廟為靈文之廟以郡人言其雨陽
應祈故也又夷堅志云懷州人楊大同紹興王
年登科再仕為廣西帥屬常以事至柳州過靈
文廟廟祝請入謁楊不可祝曰不然神且譴怒
揚叱之徑謁太守飲湯未畢盞落手而化即死
皆云柳侯所起審若是則柳侯果能驚動禍福
之以食其土

豈謬妄哉 柳侯河東人諱宗元字子厚賢而
有文章嘗位於朝光顯矣已而擢不用其辭曰

荔子丹兮蕉葉黃

別本皆有葉字按石本無葉字

雜肴蔬兮進

侯堂

肴牲體也蔬菜之惣名離騷曰蕙肴蒸兮蘭藉

侯之舫兮兩旗度

中流兮風泊之待侯不來兮不知我悲

楚辭曰望美人

兮未

侯乘駒兮入廟

馬二歲曰駒傳曰大夫乘駒蓋駒血氣未定則有蹄

齧之義故大夫乘之侯之慰我民兮不嘖以笑

嘖侯乘駒皆求神無方也

明主之愛一嘖一矢鵝之山兮柳之水桂樹團

團兮白石齒齒鵝山名柳木名也園圍垂貌齒

雪山有湖傳太金鵝之所集八桂之所侯朝出

游兮暮來歸春與猿吟兮秋鶴與飛北方之人

兮為侯是非抱朴子曰周穆王南征一軍盡化

宗元死於聚所河東之人思侯之言曰柳從猿

吏部侍郎韓愈撰中書舍人史館脩撰其九月愈自翰林學士

慶二年二月傳師自尚書兵部侍郎翰林學士

罷為中書舍人史館脩撰其九月愈自兵部侍郎

為舍人柳侯死後三年廟成明年愈為柳人書

三十一

羅池事子厚以元和十四年卒至後三年愈作碑時當是長慶三年則二君官當與此碑同其

書元年正月蓋傳模者誤刻之耳今世傳昌黎集載此文與碑同惟集本云涉有新舡而碑以

涉為步荔子丹今蕉茶黃碑無茶字當以碑為正而碑云春與猿吟今秋鶴與飛則疑碑之誤為

也舊按沈括筆談今驗石刻乃春與猿吟秋鶴與飛為不誤古人多用此格如蕙肴蒸芳蘭藉

與飛為不誤古人多用此格如蕙肴蒸芳蘭藉當以蒸蕙肴對奠桂酒今倒用之謂之蹉對蹉

音千過切千秋萬歲今侯無我違福我今壽我驅厲

鬼兮山之左鬼災曰厲左傳昭十七年子產曰鬼有所歸乃不為厲許顗詩話云柳

子厚守柳州曰築龍城得白石微辨刻畫曰龍城柳神所守驅厲鬼山左首福土氓制九醜此

子厚自記也退之作羅池廟碑云福我今壽我驅厲鬼兮山之左蓋用此事九醜凶神名見小

書下無苦濕兮高無乾杭稌充羨兮虺蛟結蟠

杭徐皆五切虺其不結蟠言不為害也我民報事

今無怠其始如自今始今欽于世世

厚傳自臺省出為永州司馬凡十年既竄斥地

又荒蕪因自放山澤間其湮阮感鬱一寓諸文

作為難騷數十篇當時無能及之者至是公乃

陽謂退之為樊宗師志便似樊文其始出於司

馬子長為長卿傳如其文惟其過之故兼之也

若溪漁隱曰退之為子厚羅池廟碑之言乎退

之潮州廟碑二文高妙豈非如歐陽子之言乎

朱廷玉嘗評是碑曰荔子丹今蕉黃雜散蔬芳

廷侯堂此言旨味不同名物異品羅列而進以

觀一時之嗜好亦如爵祿名位險易多達可以

驗人波釋去取也予在太學時嘗以碑中祭神

事問湖湘士人皆云柳人迎神其俗以碑中祭

旗木馬偶人於舟作樂而導之登岸而趨於廟

然後知公託意創辭其旨深矣故曰侯之舟矣

兩旗度中流兮風泊之待侯不來兮不知我悲
其文則風俗故事爾公意若曰兩旗聽輿所向
初無一定而舡在中流爲回風所薄進退蕩漾
靡所底矣我止於岸待之不來雖欲共載而往
不可得已此我心之悲而侯終莫之知也又曰
侯乘駒兮入廟慰我民兮不頻以笑乘駒馬之
少者公意若曰馬少爲駒異於壯老言侯少年
仕而蚤達入廟者進而在朝爲天子廷臣也此
與秦穆公始用孟明同意君子見用於世必老
而更事以天下爲憂而子厚未更事變樂仕進
之榮而不知禹稷之心以生人飢溺爲憂是以
不知楚頌而不知頻以笑也又曰鵝之山兮柳之
水至秋鶴與飛公意若曰桂樹團團則木茂也
白石齒齒則石險也木茂翳空則絕蹠回之光
石險鑿足則蹈危途之畏春猿秋鸛則非同類
之匹言侯朝出將於朝廷之上暮流落於幽險
之鄉交非其徒淪弃於異物之群進退失據莫
之與歸北方之人兮爲侯是非千秋萬歲兮侯
無我違北方中國也楚粵居南方則中國爲北
當叔文執詎用事侯坐黨與南遷中朝黜陟南

人無與焉而侯之在柳以惠愛見稱故漢其廟
食此土此土之奉祠者柳人之志也公之意若曰
北此方之是非則公議去取不可奪也蓋侯之生
不得與我偕行其道故平危不可窮裔若千我萬
歲此道彌著質之鬼神猶不能違侯惡得而違
之此禮所謂百世以俟聖人而不惑而孟子亦
曰聖人復起不見焉吾言也福我今壽我至欽于
世此志柳侯見德邦人死而獲其廟祀之報
以足一篇之辭也傳言春秋之稱微而顯志而
晦婉而成章公於此文得言柳人祭神而不及
子厚之出處言柳民歌詠仁政敬之文不形於
之為鬼神雍容紆徐而刺譏詆訶之文不形於
一詞而言外之意推之不可窮非深得於春秋
易至是哉性與群賢聚居商較古今或曰楚詞
自屈宋以後誰為作者子遂以羅地對又掌以
告毛伯穎李去病樊澤之三人皆撫掌嘆服以
為平生故未領此今聞所未聞也柳侯文章名
一代在唐史自傳可以推見此政尤宏妙奧
遠其事跡至隱不待鋪陳而粲然畢見矣有志
於學韓者得吾說而證之乃知千載一人未易

此倫或以招海賈過之亦竈
爾哉

司羅池廟記解

黃陵廟碑

按九或志云岳州湘陰縣北八十里湘
水側有地名黃陵即舜二妃所葬之地
有廟浮休南遷錄云自洞庭湖入湘水
過黃陵廟即舜二妃傍曰鼇節廟庭宇
湫隘竹木葦然二妃並坐傍設舜像馬
殷舜加營葺退之文沈傳師書碑石訓
利更以石模刻之字體多失又汴湘水
行七十餘里許過哀洲傳云二妃并乘
哀泣之所有如塚者望之歸然俗云二
妃塚也筆談云舊傳黃陵二妃堯子舜
妃以二帝道化之盛始千國房則一女
當具任姒之德考其年歲帝乘陟方之
時二妃之薨已百歲矣後人詩騷所賦
皆以女子待之語皆瀆慢皆禮義之罪
人也

湘旁有廟曰黃陵自前古立以祠堯之二女舜

二妃者

尚書堯典曰釐降二女于嬀汭是也劉向列女傳曰二女長曰娥皇次曰女英

舜既外為天子娥皇為右女英為妃舜陟方死於蒼梧二妃葬於江湘之間俗謂之湘君白虎

通曰娥皇無子

女英生商均

庭有古

石本字

碑斷裂分散在

地其文剥缺

考圖記

岳州圖經也

言漢荊州牧劉表

景外之所立

劉表字景外後漢荊州刺史

題曰湘夫人碑今

驗其文乃晉太康九年

晉武帝在位二十四年也

又其額曰

虞舜

一作帝

二妃之碑非景外所立者秦博士對

始皇帝去湘君者堯之二女舜妃者也

史記始皇西渡

淮上問博士曰湘君何神對曰聞堯女舜妻而

渡之衡山南郡浮江至湘山祠逢大風幾不得

渡上問博士曰湘君何神對曰聞堯女舜妻而

葬於此於是始皇怒使刑徒劉向鄭玄亦皆以

三千人伐湘山樹楮其山上

二妃為湘君劉向見上檀弓曰桑梓於蒼梧之野蓋三妃未之從也鄭玄云古不

合葬帝嘗立四妃象后妃四星其一明者為正妃余者為次妃帝堯因焉至舜不告而要立

正妃但三妃已謂之三夫人而離騷九歌既有離騷所歌湘夫人舜妃是也

湘君又有湘夫人離騷有九歌九篇屈原所著湘君湘夫人其二篇也已見

謫瘡鬼詩王逸之解以為湘君者自其水神而謂湘

夫人乃二妃也從舜南征三苗不返石本作及道死

沅湘之間王逸者屈原弟子注離騷三苗有苗國也史記吳起曰昔三苗氏左洞庭

古鼓瑟德義不脩舜滅之沅湘二水名山海經曰洞庭之山帝之

二女居之郭璞疑二女者帝舜之后不當降小

君石本小水涓水辨證為其夫人因以二女為天

帝之女郭璞字景純河東聞喜人注山海經晉書有傳禮記曰諸侯之夫人自稱於諸

侯曰寡小君則稱夫人乃其次妃也以余考之璞與王逸俱失也

堯之長女曰娥皇為舜正妃故曰君其二女女

英自宜降曰夫人也禮記天子之妃曰右右君也其下有夫人有嬪有世

婦按春秋扶九正妃之薨則書曰葬我小君某於某母則書曰夫人某氏卒此君與夫人之辨也

故九歌辭謂娥皇為君謂女英為石本無帝子

各以其盛者推言之也九歌之辭湘君篇曰君

曰帝子降禮有小君君母明其正自得稱君也

書曰舜陟方乃死傳一作孔安國石本亦謂舜

外石本道南方以死向書乘典曰乘陟方乃死

位五十年外道南方巡狩死於蒼梧之或又曰

舜死葬蒼梧二妃從之不及溺死一無沅湘之

間通典曰今嶺南濠富梧余謂竹書紀年帝王

之沒皆曰陟陟昇也謂昇天也晉太康二年汲

魏襄王墓或言安釐王塚得竹書數十車有紀

年十三篇記夏以來至周幽王為犬戎所殺漆

書皆外斗文字書曰殷禮陟配天尚書君言以

道終其德協天也書紀舜之沒云陟者與竹書

周書同文也其下言陟石本無方乃死者所以

釋陟為死也地之勢東南下素問曰天傾西北

子原道篇曰共工觸不周之山使地東南傾許氏云共工以水行伯於伏羲神農間者非堯時共工也不周山巔如言舜南巡而死宜言下方

不當

石本作得

言陟方也以此謂舜死葬蒼梧之野

石本無

之野字於時二妃從之不及而溺死者

石本無死字

皆不可信二妃既曰以謀語舜脫舜之厄成舜

之聖

陸龜雜說

贅叟憎舜使舜塗廩欲殺之而

堯死而舜有天下為天子二妃之力宜當

石本作常

為神食民之祭今之渡湘石本作湖江者莫敢不進

禮廟下元和十四年春余以言事得罪黜為湖

州刺史其地於漢南海之揭揚

潮州即前漢時南海郡揭陽縣

也音厲毒所聚懼不得脫死過廟而禱之其冬

移索州刺史明年九月拜國子祭酒使以私錢

十萬抵岳州願易廟之毀墉石本作腐瓦於州

刺史王堪長慶元年刺史張愉自京師

往余石本無與愉故善謂曰丐我一碑石載二

妃廟事且令後世知有子名愉曰諾既至州報

曰碑已石本具遂篆其事俾刻之歐陽集古錄

韓愈撰沈傳師書韓集今盛行於世而惠本不

真余家所藏最号善本世多取以為正然時時

得刻石校之猶不勝其舛謬是知刻石之文不可
貴也不獨為翫好而已黃陵碑以家本校之不可
同者二十余事如家本云降小君焉夫
人而碑云降小水之類當以碑為正耳

江南西道觀察使中大夫洪州刺史兼御史中丞上柱國賜紫金魚袋贈左散騎常侍太原王公神道碑銘

唐史有傳
按順宗實錄
王仲舒字弘中
唐書本傳
王仲舒則公諱仲舒字弘中者是王仲舒字洪中墓誌神道碑皆然而溫公考異乃謂公神道碑云諱洪中誤今考諸本末常誤也溫公本偶然異耶其為蘇州召為中舍也誌銘云云神道碑云去一事而兩書之足以見公言之法如此

王氏皆王者之後在太原者為姬姓

自周靈王太子晉以直諫廢為庶人其子宗敬為司徒時人号曰王家因以為氏其後定著三

弟一曰琅琊王氏二曰太原春秋時王子成父敗

狄有功因賜氏厥後世居太原王事見左傳文

公十至東漢隱士烈博士徵不就居祁縣因號

所居鄉為君子鄉一無公其君子鄉人也烈字

東漢魏晉涉隋世有名氏一作國朝大王父玄

陳古限切歷御史屬三院止尚書郎唐志御史臺

侍御史隸焉三曰察院監御史隸焉生景肅

守三郡終傳涼王生政襄鄧等州防禦使鄂州

採訪使贈吏部尚書公尚書之弟某子公諱仲

舒字弘中少孤奉母夫人李家江南讀書著文

其譽謫爵當時名公皆折官位輦行下浪願為

交身元初射策拜左拾遺射策者謂為難問疑義書之於策量其大小

小立為甲乙之科列而置之不使眾顯有欲射者隨其所取得而釋之以知優劣射之言設射

也對策者顯問以經義今名對之而觀其文辭定高下也見前漢蕭望之傳與陽城

合遇裴延齡不得為相德宗初怏怏無柰以嘉

之其後入閤德宗顧列謂宰相曰第幾人必王

某也果然月餘特改一有補闕遷禮部考功吏古字

部三員外郎在禮部奏議詳雅省中伏其能在

考功吏部提約明故故典也吏無以欺同列有恃

恩自得者眾皆媚承公嫉其為人不直視由此

張連州司戶移夔州司馬又移荆南因佐其節

度爲參謀得五品服放迹在外積四年元和初

收拾俊賢徵拜吏部員外郎未幾爲職方郎中

知制誥藝文志有仲舒制集十卷今行於世友人得罪斥逐時楊

賀賤臨後其家親知過門縮頸不敢視公獨省

問爲計度爲音干爲切論議直其寃由是出爲

硤州刺史轉廬州未至丁母夫人憂服除又爲

婺州時疫旱甚人死亡且盡公至多方救活天

遂雨疫定比數年里閭完復制使出巡人填道

迎頌一作顯公德事具聞就加金紫轉蘇州變其

屋居以絕其火延堤松江路害絕阻滯秋夏賦

調自為書與人以期吏無及門而集政一作化成

為天下守之最唐制郡縣有二十七最音祖外切言郡課第一天子曰

王某之文可思最宜為誥有古風豈可久以吏

事役之復拜中書舍人既至京師儕流無在者

視同列皆邈然少年益自悲而謂人曰豈可復

治筆硯於其間哉上若未弃且宜用所長在外

久周知俗之利病俾治之當不自愧宰相以聞

遂得觀察江南西道奏罷權酷錢九千萬按南

書云江西執鹽酒法尤嚴王仲舒廉察曰奏罷之漢武帝天漢三年初醢酷酒辜昭曰以木渡

水曰權謂禁人酷廢獨官開置如道路木為權昔獨取利顧師古曰爾雅謂之石扛今之略約

是也軍息之無已掌吏壞產猶不釋囚之公

至脫械不問人遭水旱賦窘公曰我且減燕樂

絕他用錢可乎遂以代罷軍之一有日字息錢禁浮

屠誑誘壞其居以葺公宇葺茨蓋也三年法大

成錢餘於庫粟餘於廩人享於田廬謳謠於道

途天子復思且徵以代虛吏部左丞位以待之

一作特處之長慶三年十一月十七日薨於洪

州年六一作五十二上哀慟輟朝贈左散騎常侍

某日歸葬於某處既以公之德刻而藏之墓矣

子初又請詩以揭之詞曰

生人之治本乎斯文有事其末而忘其源切近

昧陋道由是湮有志其本而泥古陳當用而迂

乖戾不申較是二者其過也均也過失有美王公

志儒之本達士之經秩秩而積涵涵而停秩秩序也

涵涵多也言辯而華英不矜不盈辯光明也音

常據之華鄂不辯辯爾雅曰木謂孰播其馨孰

發其明介然而居士友以傾敷文帝階擢列侍

從以忠遠名有直有諷諷禮有五諫諷諫諫順諫關

辨遏堅懇巨邪不用秀出班行乃動帝目帝省

竭心恩願日渥翔于郎署騫于禁密發帝之令

簡古而蔚

蔚盛也音紆勿切其文蔚也

不比于權以直友

冤

比附也音毗志切

敲撼挫握竟遭并奔

握投也音乙

排

所也

父淹于外歷守大藩所至極思必悉利病

萎枯以膏燠喝

一作

以醒草木枯死曰萎音邕危切蔡邕傳曰華離

帶而萎條去幹而枯與喝熱也上音乙六切下音許葛切言民得惠政如草木之萎枯有陰雨

以膏之如行道之熱喝有良藥以醒之

坦之敞

之必絕其徑浚之澄之使安其泳

言躋之路借之坦

於浚澄之淵人皆得其所也

帝思其文復命掌誥公潛謂人

此職宜少

詩照切

豈無凋郡庸以自効後漢耿純自請於光

武曰願試治一郡以太力上籍其實俾統于洪浦

自効乃拜爲東郡太守籍其實俾統于洪浦

滯攸除茲訛革風祛蔽于目釋負于躬方乎所

部禁絕浮屠風雨順易杭稻盈疇杭音古衡切人得

其所乃恬乃謳化成有代思以息勞虛位而俟

奄忽滔滔古詩奄忽若飄塵東維德維績志于

斯石日遠彌高

新刊經進詳補註昌黎先生文卷第三十一

新刊經進詳註昌黎先生文卷第三十一

碑銘

司徒兼侍中中書令贈太尉許國公神道

碑銘

唐史有傳滑州匡城人也
洪傳皆取碑為之碑云少誠以牛皮鞋
材遺師古云云而史於吳元濟傳書云
李師道魏益出寧陵雍丘間韓洪知而
不禁其誅吳元濟也曰憲宗拜洪淮西
諸軍行營都統使扞兩河而令李光顏
烏重裔擊賊洪不自屯遣子公武領兵
三千屬光顏然陰為逗撓計以危國邀
功每諸將告捷輒累日不樂此蓋出於
舊傳云尔以謂不當兩河賊衝朝廷憲
其有異志故授兵柄授之而令光顏重
實當旗鼓乃授洪淮西諸軍行營都統

云云於是溫公考異辨云按洪承宣武
積亂之後鎮定一方居強寇之間威武
甚著若有異志與諸鎮連衡跋扈如反
掌耳然觀其始末未嘗失臣節朝廷若
有疑其異志而更用為都統則光顏重
裔受其節制非所以防之也且數日不
怡有何狀可尋恐毀之過其實尔抑此
碑所謂汴之南則蔡北則鄆飛謀鉤誘
以間謀我者歟

韓姬姓以國為氏其先有自潁川徙陽夏者其

地於今為陳之太康宰相世系曰韓氏出自姬

叔成師生武子萬食采韓原至曾孫厥從封遂

為韓氏三十五世孫魏司空南鄉恭侯暨其後

徙陽夏通典曰許州為潁川郡春秋時許國七

縣漢陽夏縣也

太康之韓其稱蓋久然自公始

夏音古雅切

大著公諱弘公之父曰海宰相世系為人魁偉

沉塞塞實也書曰剛而塞以武勇游仕許汴之間寡言自

可不與人校校報也論語曾子曰犯而不校注

衆推以為鉅人長者官至游擊將軍贈太師娶

鄉邑劉氏女生公是為齊國太夫人夫人之兄

曰司徒玄佐唐史有傳有功建中貞元之間為

宣武軍帥有汴宋毫穎四州之地兵士十萬人

建中元年汴宋平節度置汴宋毫穎節度使公

少依舅氏讀書習騎射事親孝謹品品自將與

同保不縱為子弟華靡邀放事出入敬恭軍中皆

目之嘗一抵京師就明經試退曰此不足發名

成業復去從舅氏學將兵數百人悉識其材鄙

怯勇拍付必堪其事司徒歎奇之士卒屬心諸

老將自以為不及司徒卒去為宋城南將以六

七歲

毗近也音毗志切

汴軍連亂不定

汴州自李希烈後劉玄佐佐子

士寧李萬榮董晉陸長源劉全諒至引皆代節度凡更五亂

貞元十五年劉

逸淮死

全諒始名逸淮溫公據舊傳以為逸淮誤也

軍中皆曰

此軍司徒所樹必擇其骨肉而為士卒所慕賴

者付之今見

咏向

在人莫如韓甥且其功最大

而材又俊即柄授之而請命於天子天子以為

然遂自大理評事拜工部尚書代逸淮為宣武

軍節度使悉有其舅司徒之兵與地眾果大悅

便之當此時陳許帥曲環死吳少誠反自將圍

許求援於逸淮啗之以陳歸汴陳許節度使治許州吳忠武軍

彰義軍節度使吳少誠有申光蔡三州使數輩在館公悉驅出斬

之選卒三千人會諸軍擊少誠許下少誠失勢

以走河南無事公曰自吾舅歿五亂於汴者吾

苗薈而髮擲之幾盡薈平刀切擲側瑟切幾居希切淮南子曰聖人之用

兵也若擲髮薈苗所去者少而所利者多然一字不損刈子淺切或

從不足令震駭命劉錡以其卒三百人待命于

門數之

數計也音下不可數同

前年

以數與於亂

數色角切與音預

自以為功并斬之以徇血流波道自是訖公之

朝京師二十

有一字

一年莫敢有譴呶叫號于城

郭者

奴尼交切號乎刀切

李師古作言起事屯兵于曹以

嚇滑師且告假道

師古淄青李納之子有州十淄青齊海登萊沂密曹濮

兖鄆國

公使謂曰汝能越吾界而為盜耶有以

相待無為空言滑師告急公使謂曰吾在此公

安無恐或告曰剪棘夷道兵且至矣請備之公

曰兵來不除道也不為之應師古詐窮變索遷

延旋軍

本傳曰引自此累授檢校司空同中書門下平章事

少誠以牛皮

鞵與鞋同材遺師古鞵革鞵也音胡街切師古以

鹽資少誠潛過公界覺皆留輸之庫曰此於法

不得以私相饋田弘正之開魏博謂以魏博六州歸朝也

見田氏廟碑李師道使來告曰師道師古之弟後為劉悟所殺傳首京師

我代與田氏約相保援今弘正其非族又首變

兩河事亦公之所惡我將與成德合軍討之非

言非田氏之正嫡也成德軍王承元有弟冀趙深四州因号趙敢告公謂其使

曰我不知利害知奉詔行事耳若兵北過河我

即東以兵取曹師道懼不敢動弘正以濟一無濟字

誅吳元濟也元濟少子命公都統諸軍曰無自行

以遏北寇

時王承元李師道陰為淮蔡之援

公請使子公武以

兵萬三千會討蔡下歸財與糧以濟諸軍卒擒

蔡姦於是以公為侍中而以公武為鄜坊丹延

節度使

本傳云元濟平以功加侍中封許國公

理軍暴難戢因變肆亂性性有焉惟此一方朕

常憂慮今有良帥鎮而撫之政立功成宜舉賞

輔以政理韓弘以長才大略作我藩臣本於忠力

朝憲訓兵積粟明賞信罰軍和食足禮節並行

河南晏如于茲一紀是用有太勲于國有大惠

于人會義課功無出其右夫有過人之効則有

用此道也可不務乎是用建于上公授之真食

以示殊寵以旌殊績欽哉休命子孫其保之李

朝卓異記云韓弘汴州公武帥師道之誅公以

州同時為節度使當代為美

兵東下進圍考城克之

考城縣屬曹州

遂進迫曹曹寇

乞降鄆部既平公曰吾無事於此其朝京師天子曰大臣不可以暑行其秋之待公曰君爲仁臣爲恭可矣遂行既至獻馬三千匹絹七千疋他綿紬綺纈又三萬金銀器千而汴之庫廩錢以貫數者尚餘百萬絹於倉百餘萬匹馬七千糧三百萬斛兵械多至不可數初公之有汴承五亂之後掠賞之餘且歛且給官無宿儲至是公私充塞至於露積不垣冊拜司徒兼中書令進見上殿拜跪給扶贊元老經體不治細微天子

敬之

舊史云元和十四年誅李師道收復河南二州弘大懼其年七月盡携汴之牙散于

餘人入覲對於便殿拜舞之際以其足安命中使掖之宴賜加等預冊徽号大禮進綰三十五

萬正施三萬正銀器二百七十件三上章堅辭

戎務願留京師奉朝請詔曰宣武節度副大使

知節度事汴宋亳穎等州觀察使置等使開府

儀同三司守司徒兼侍中使持節汴州諸軍事

汴州刺史上柱國許國公食邑三千戶

守司徒兼中書令仍以吏部尚書張弘靖代引

武鎮宣元和十五年今天子即位穆公為冢宰又

除河中節度使在鎮三年以疾乞歸復拜司徒

中書令病不能朝以長慶二年十二月三日薨

於永崇里第年八十史云五罷朝三日贈太尉

賜之布粟其葬物有司官給之京兆尹監護明

年七月某日葬于萬年縣少陵原京城東南三十里楚國夫人翟氏祔子男二人長曰肅元某官次曰公武某官肅元早死公之將薨公武暴病先卒公哀傷之月餘迹薨無子以公武子孫紹宗為主後汴之南則蔡北則鄆二寇患公居間為已不利卑身佞辭求與公好報薦女請昏使日月既至不可得則飛謀釣一作誘以間一作誅一作我音間謂反間也公先事候情壞其機牙音祖外切孰與音最課最也高下公子公武與公一時俱授弓鉞處藩為將

疆土相望公武以母憂去鎮公母弟充自金吾
代將渭北公以司徒中書令治蒲于時弟充自
鄭滑節度使一有字平宣武之亂以司空居汴自唐
以來莫與之爲比公之爲治嚴不爲煩止除害
本不多教條與人必信吏得其職賦入無所漏
失人安樂之在所以富公與人有軫域不爲戲
狎人得一笑語重於金帛之賜其罪殺人不發
聲色問法何如不自爲輕重故無敢犯者其銘
曰

在貞元卅汴兵五狝

狝狂犬也

音制又居例切

五亂於汴

鑑云

切

云

沐兵五制者李芥李万榮韓維

將得其人衆乃

一渴

去例切召南甘棠詩召伯所揭

其人爲誰韓姓

許公

磔其梟狼養以雨風桑穀奮張厥壤大豐

穀木名也

貞元元孫憲

命正我宇公爲臣宗處

得地所河流兩壩盜連爲群

壩音而緣切韋昭曰河邊地也俗作

壩雄唱雌和首尾一身公居其間爲帝督姦察

其嘖呻與其睨眴

嘖笑也呻吟也音頻伸睨寒視也音郎計切眴搖目也音

胡絛切

左顧失視右顧而蹠蔡先鄭鉏三年而墟

槁乾四呼終莫敢濡常山幽都孰陪孰扶

常山幽都

魏燕二鎮也孰陪孰扶言無援也

天施不留其討不逋許公預

焉其賚何如悠悠四方既廣既長無有外事朝

廷之治疑作許公來朝車馬干戈相乎將乎威

儀之多將則是矣相則三公釋師十萬歸居廟

堂上之宅憂公讓太宰養安一作蒲坂萬邦絕

等通典曰河中節度治蒲州其河東縣即漢蒲坂縣也唐虞所都有弟有子提

兵守藩一時三侯人莫敢叛與攀同生莫與榮歿

莫與令功在刻文此碑以馮厥慶音

柳子厚墓誌銘

劉禹錫之貶播州也度以禹錫母老請移近處乃改連州而夢得傳自武陵言遷宰相欲置之郎署時禹錫作看花君子詩語涉譏刺出為播州詔下裴

度謀曰禹錫母八十餘請屈法移近處
乃改連州子厚傳禹錫得補州詔下宗
元草奏請以柳易播裴度亦奏其事改
禹錫連州憲宗實錄趙拱之唐諫議集
所書與此傳一同惟趙璘因詰錄云柳
請以柳州換上不許宰相對曰禹錫有
親老上曰但與惡郡豈系母在裴晉公
進曰陛下方侍太右不合發此言上有
愧色既而語左右曰裴晉公終愛我切
劉遂改連州司馬溫公考異曰當時叔
文之黨一切除遠州不止禹錫豈緣看
花詩得播又曰按宗元志將拜疏而未
上非已上而不許劉除播州時裴未相
今從實錄諫詩集按舊紀傳甚詳考異
何獨取此耶劉夢得柳子厚俱以文雄
及志柳墓夢得乃屬于公而不敢當公
文在當時為儕輩所伏
如此公在素作此誌

子厚諱宗元七世祖慶為拓跋魏侍中封濟陰

公

宰相世系柳氏出自姬姓魯孝公子夷伯辰無駭生禽字季為魯士師謚曰惠食采於柳

下遂姓柳氏楚滅魯仕楚楚并天下柳氏遷於河東其後世僧習者為後魏尚書右丞方翼公

五子次子慶字更興是也曾伯祖顓為唐宰相與褚遂良韓

瑗俱得罪武后死高宗時皇考諱鎮以事母棄

太常博士求為縣令江南其後以不能媚權貴

失御史權貴人死

謂權貴人謂賣參也所與

記九六十六人乃復拜侍御史號為剛直所游

皆當世名人子厚少精敏無不通達逮其父時

雖少年已自成人能取進士第蘄然見頭角

高

峻良士

衆謂柳氏有子矣其後以博學宏辭授

校書郎藍田尉俊傑廉悍議論證據古今出入

經史百子踔厲風發

踔踔踔厲行不常也音敕發救角二切禮記云發揚

踔厲之

率常屈其座人名聲大振一時皆慕與

之交諸公要人爭欲令出我門下交口薦譽之

貞元十九年拜監察御史順宗即位王叔文韋

執誼用事

事見順宗實錄云

拜尚書禮部員外郎且將

大用遇叔文等敗例出為刺史未至又例貶永

州司馬

按舊史憲紀永正元年八月憲宗即位九月柳宗元貶邵州刺史十月已

卯聚永州司馬連州刺史元居閑益自刻苦務

和十年三月移為柳州刺史元居閑益自刻苦務

記覽為詞章汎濫停蓄為文深博無涯涘而自

肆於山水之間元和中常例召至京師凡言例出例貶

例召者皆譏其賈附儉人也又偕出為刺史而子厚得柳州

既至歎曰是豈不足為政耶因其土俗為設教

禁州人順賴其俗以男女質錢約不時贖子本

相侔則歿為奴婢子厚與設方計悉令贖歸其

尤貧力不能者令書其傭傭雇直也謂計其年之也傭之入近立雇直以償

音庸足相當則使歸其質觀察使下其法於

他州比一歲免而歸者且千人衡湘以南為進

士者皆以子厚為師其經承子厚口講指畫為

文詞者悉有法度可觀因話錄云元和中柳柳州書後生多師勵就

尤長草爲時所寶湖湘已南童稚悉學其書頗有能者歐陽集古錄云自唐以來言文章者惟韓柳柳豈韓之徒哉真韓門之罪人也蓋世俗不知其所學之非苟以當時輩流言之爾今余又多錄其文懼益後人其召至京師而復爲刺之惑也故書以見余意

史也中山劉夢得禹錫亦在遣中當誦播州子

厚泣曰播州非人所居而夢得一有老字親在堂吾

不忍夢得之窮無辭以白其大人且萬無母子

俱往理請於朝將拜疏願以柳易播雖重直龍切

得罪死不恨遇有以夢得事白上者夢得於是

改刺連州因話錄云憲宗初徵柳宗元劉禹錫至京俄而以柳爲柳州刺史劉禹錫

州刺史柳以劉禹錫親播州最爲惡郡請以柳州接上不許宰相曰禹錫有老親去去劉遂改

刺連州嗚呼士窮乃見節義今夫平居里巷相慕

悅酒食遊戲相徵逐謂謂強笑語以相取下謂

大言也音况羽切禮記少儀云會同主謂鄭註謂敏而有勇若齊國佐強其亮切握手

出肺肝相示指天日涕泣誓生死不相背負真

若可信一旦臨小利害僅如毛髮以反眼若不

相識落陷穽不一引手救而一無字反擠之又下

石焉者皆是也此宜禽獸夷狄所不忍爲而其

人自視以爲得計聞子厚之風亦可少媿矣子

厚前時少年勇於爲人不自貴重顧藉謂功業

可立就故坐廢退既退又無相知有氣力得位

者推挽

蘇林曰輅一木橫遮車前以人挽之一人推之言驚亡亦由此也見婁欽傳

故卒厄於窮裔材不為世用

一有字道不行於時

也使子厚在臺省時亦

一無亦字

自持其身已能如

司馬刺史時亦自不斥斥時有人力能

一作解

舉

之且必復用不窮然子厚斥不久窮不極雖有

出於人其文學辭章

一作意

必不能自以力致必

一作必致無此二字

傳於後如今無疑也雖使子厚得

所願為將相於一時以彼易此孰得孰失必有

能辯之者子厚以元和十四年十月五日卒年

四十七

因話錄柳宗元自永州司馬徵至京意望錄用一日詣卜者問命且告以夢曰

余柳姓也昨夢柳樹仆地其不祥乎仆者曰無
苦但憂為遠官耳戮其意曰夫生則柳樹仆則
柳木木者牧也君其牧柳州乎竟如其言後卒
於柳州劉禹錫云子厚之喪退之以書來弔曰
哀哉若人之不淑吾常評其文惟深雅健以十
似司馬子長崔蔡不足多也書今已子
五年秋七月七日歸葬於萬年先人墓側子厚
有子男二人長曰周六始四歲季曰周七子厚
卒乃生女子二人皆幼其得歸葬也費皆出觀
察使河東裴君行立行立一本無下有節槩重
然諾與子厚結交子厚亦為之盡竟賴其力葬
子厚於萬生之墓者舅弟盧遵遵涿人性謹順
學問不厭自子厚之卒遵從而家逮其死不去

既往葬子厚又將經紀其家庶幾有始終者銘
曰

是惟子厚之室既固既安以利其嗣人

昭武校尉守左金吾衛將軍李公墓誌銘

蘭古新史附其父傳後書其代柳公綽為成王碑道
皆被奪李聽道入其營公綽皇恐出貲財
之其為金吾將軍進柳必金丹於憲宗
以自媚而上以此崩穆宗立誅沙斤道
古道古巧於官便佞傾下遊公卿間嘗
與博奕為不勝厚進所償者利者得其
權心故少盜美名此皆見於傳而志不
書者祭統曰銘之義稱美而不稱惡此
墓誌銘也有褒而無貶道古以柳賁
得罪五十死海上公於李千志及之

公諱道古字某曹成王子其先王明以太宗子
王曹絕輒復封五世而至成王王諱皐有功建
中身元間以多才能能行賞誅爲名至今追數
當時内外文武大臣成王必在其間公以進士
舉及第獻文輿三十卷拜校書郎集賢學士四
遷至宗正丞憲宗即位選擢宗室遷尚書司門
員外郎以選爲利隋唐睦州刺史遷少宗正一作
室元和九年以御史中丞持節鎮黔中十一年
來朝遷鎮鄂州以鄂岳道兵會平淮西以功加
御史大夫十三年徵拜宗正遷一作轉左金吾上

即位

宗穆

以先朝時嘗信妄人柳賁能燒水銀為

不死藥薦之賁以故起閭閻氓為刺史不効貶

循州司馬

柳賁唐史作泌皇甫鏐傳云泌者揚

中自去能致藥為不死者因言天台山靈仙所

居多異草願官天台求采之起徒步拜台州刺

史賜金紫諫曰固爭以爲列聖亦有寵方士未

嘗使牧民帝曰頑一州而致長年于君父何愛

哉後不敢言泌驅吏民採藥山谷間鞭笞苛急

歲餘無所獲懼計窮舉族遁去浙東觀察使捕

得鏐與道古營解乃復待詔翰林帝餌泌藥寢

躁怒不常官侍懼以弒崩鏐敗與泌皆誅初吏

執泌泌妄荅曰皆道古教其年九月三日以疾

卒于貶所年五十三長慶元年詔曰左降而死

者還其官以葬遂以其年九月一日葬

上本無

于東都某縣公三娶元配韋氏諱修修生子紘
紘爲進士舉女貢嫁崔氏夫人隋雍州牧鄭公
叔裕五世孫父士佺蓬山令次配崔氏諱葑略於
切生綽紹綰女會嫁鄭氏季毗夫人父昭嘗爲
京兆尹今夫人韋氏無子父光憲光祿卿其葬
用古今禮以元配韋氏夫人祔而葬次配崔氏
夫人於其域異墓公宗室子而貴富能學問以
中科取名善自傾下以交豪傑身死賣宅以葬
銘曰

本支於今其上

一作尚

有封當公弟兄未續又亡

其遷于南年及始襄一作始及雖黜不復而以喪歸

海豐瀾瀾萬里于畿循州為海豐郡在嶺南去京畿萬里載其終

始以及表之

朝散大夫尚書庫部郎中鄭君墓誌銘

鄭君群正元四年進士其佐裴均於江陵也公時為江陵法曹其詩有鄭羣贈

輦即其人也至是銘其墓

公諱群字引之世為滎陽人其祖於元魏時有

假封襄城公者子孫因稱以自別君其後也無一

上四曾祖匡時晉州霍邑令祖千尋彭州九隴

丞父迪鄂州唐年令娶河南獨孤氏女生二子

君其季也以進士選

按登科記大曆四年也

吏部考功所

試判為上等授正字自鄆縣尉拜監察御史佐

鄂岳使

鄆縣屬京兆府

裴均均之為江陵以殿中侍御

史佐其軍均之徵也遷虞部員外郎均鎮襄陽

復以君為襄府左司馬刑部員外郎副其支度

使事均卒李夷簡代之因以故職留君歲餘拜

復州刺史方遷祠部郎中會衢州無刺史選人

願行者宰相即以君應詔治衢五年復入為庫

部郎中行及揚州遇疾月餘以長慶元年八月

二十四日卒春秋六十即以其年十一月二十

二日從葬於鄭州廣武之原

之一字

無先人之墓次

君天性和樂居家事人與待交遊初持一心未
嘗變節有所緩急曲直薄厚踈數也不為翕翕
熱亦不為崖岸斬絕之行俸祿入門與其所過
逢吹笙彈箏飲酒舞歌詠調醉呼

詠調戲也
詠音恢調音

徒弔連日夜不厭費盡不復顧問

六字無上

或分

挈以去一無所愛惜不為後日毫髮計留也遇
其空無時客至清坐相對罷竟日不能設食客
主各自引退亦不為辭謝與之遊者自少及老
未嘗見其言色有若憂歎者豈列禦寇莊周等

所謂近於道者耶

列子名禦寇鄭人莊子名周楚人皆著寓言号道家流圖

向日為其秉要執本清虛無為故也

其治官守身又極謹慎不挂

於過差去官而人民思之身死而親故無所怨

議哭之皆哀又可尚也初娶吏部侍郎京兆韋

肇女生二女一男長女嫁京兆韋嗣宗次嫁蘭

陵蕭儼

子管切一作讚

後娶河南少尹趙郡李則女生

一女而二男其餘男二人女一

一作一本

人皆幼嗣

子退思韋氏生也銘曰

再鳴以文進塗闢佐三府治藹厥蹟郎官郡守

愈著白洞然渾樸

一作璞

絕瑕謫

晉王衍目山濤如渾金璞玉人

皆歟其寶
知名其器

朝散大夫越州刺史薛公墓誌銘

補註

子寶衛潤
謂有子二

繪絃續譜

部員外郎
者同生父

州刺史戎
而郎士焉

其達者四
人此也

公諱戎字元夫其

始居河東

宰相少壯

為夏車正禹封為薛侯其地魯國薛縣是也其

後世有齊者字夷甫巴蜀二郡太守蜀亡降魏

拜光祿大夫徙河東以陰世號蜀薛二子懿始

懿字元伯一名奉北地太守三子恢辟興恢河

東太守號北祖周號公之四世祖嗣以陰公諱

德儒為隋襄城郡書佐以平襄城有子二人皆

貴其後皆蕃以大而其季尤盛官至邠州刺史

邠州諱寶胤有子九人皆有名位其最季諱謙

為河南令以卒西祖興字季達晉河東太守曾

洪陰武侯武侯生謹字法慎有五子曰洪祚曰

洪隆曰瑚曰昂曰積善號五房薛氏昂字破氏

後魏河東太守四世孫德儒隋濟北司馬河南

二子寶積寶胤寶胤有九子云云見前註

有子四人其長諱同平官湖州長史贈刑部尚

書尚書娶吳郡陸景黻女有子五人皆有名蹟

其達者四人公於倫次爲中子同生五子曰以

註仁孝慈愛忠厚而好學不應徵舉沈浮閭巷

間不以事自累爲貢常州刺史李衡遷江西觀

察使一有日州客至多莫賢元夫吾得與之俱

足矣即署公府中職公不辭讓年四十餘始脫

褐衣爲吏衡遷給事中齊映自睦一作桂州以故

一作相代衡爲江西公因留佐映治映卒湖南

使李巽福建使柳冕交表奏公自佐詔以公與

冕在冕府累遷一有殿中侍御史冕使公攝泉

州冕文書所條下有不可者公輒正之冕惡其
異於已懷之未發也遇馬惣以鄭滑府佐忤中
貴人貶為泉州別駕冕意欲除惣附上意為事
使公按置其罪公歎曰公乃以是待我我始不
願仕者正為此耳不許冕遂大怒囚公於浮屠
寺而致惣獄事聞遠近值冕亦病且死不得已
俱釋之冕死後使至補闕後使美也奏公自副一無
字又副使事於浙東府濟美代冕使福建奏公
亦隨副之見元祐神道碑轉侍御史元和四年徵拜尚書
刑部員外郎遷河南令歷衢湖常三州刺史所

至以廉貞寬大為稱朝廷嘉之元和十二年正

月二十二日

一作某年某月日

集越州刺史御史中丞

浙東觀察使

會稽唐太守題名記云元和十二年正月戎自常州刺史授長慶元

年九月隨表朝觀

至則悉除去煩弊儉出薄入以致和

富部刺史得自為治無所牽制四境之內竟歲

無一事公篤於恩義盡用祿以周親舊之急有

餘頒施之内外親無踈遠皆家歸之疾病去官

長慶元年九月庚申至於蘇州以病卒春秋七

十五奏至天子為之罷朝贈左散騎常侍使臨

弔祭之士大夫

一作士人

多相弔者以其明

一作年十

一月庚申葬于河南偃師先人之兆次以韋氏
 夫人祔公凡再娶先夫人京兆韋氏後夫人趙
 郡李氏皆先卒子男二人曰沂曰洽長生九歲
 而幼七歲矣女四人皆已嫁愈既與公諸昆弟
 善又嘗代公令河南公之葬也故公弟集賢殿
 學士尚書刑部一作吏部侍郎放字達夫事穆宗然江屬余以銘其文曰
 薛氏近世莫盛公門公倫五人皆有顯聞公之
 初志不累以事僇俛以隨亦貴於位無怨無惡
 中以自貴不能百年曷足謂壽公宜有後有二

放字達夫事穆宗然江
 西觀察使唐史有傳

稚子其祐成之公食廟祀

新刊經進詳補註昌黎先生文集卷第三十一